



Húnavatnshreppur

Skeiða- og Gnúpverjahreppur	
Bnr.	K/S 30. P. 18
Ábm.	Svfr.
Afgr. <i>Fredrik</i>)Bréf ()St.
Lvm.	Trm.

Húnavatnshreppur
Húnavöllum, 541 Blönduós
Sími: 452 4660 / 452 4661
hunavatnshreppur@hunavatnshreppur.is
hunavatnshreppur.is

Húnavöllum, 25. október 2018.

Skeiða- og Gnúpverjahreppur
Árnesi
801 Selfoss

Efni: Bókun sveitarstjórnar

Eftirfarandi var bókað í gjörðabók Húnavatnshrepps á 209. fundi sveitarstjórnar sem haldinn var þann 24. október 2018.

9. Frestað erindi frá 208. fundi sveitarstjórnar:

a. Lagt fram að nýju bréf Umhverfisstofnunar, dagsett 10. september 2018.

- i. **Efni:** Tillaga að friðlýsingu svæðis í verndarflokki rammaáætlunar til kynningar, Suðurland-vatnasvið Jökulfall og Hvítár í Árnessýslu: 32 Gýgjarfossvirkjun og 33 Bláfellsvirkjun.
 1. Sveitarstjóri lagði fram svarbréf við bréfi Umhverfisstofnunar, þar sem Húnavatnshreppur andmælir friðlýsingu svæðis innan Húnavatnshrepps.

Þessi afgreiðsla sveitarstjórnar tilkynnist hér með.

Með bréfi þessu er afrit af bréfi Húnavatnshrepps til Umhverfisstofnunar.

Virðingarfyllst,
fyrir hönd sveitarstjórnar Húnavatnshrepps,

Einar
Einar Kristján Jónsson,
sveitarstjóri





Húnavöllum, 25. október 2018

Umhverfisstofnun
Suðurlandsbraut 24
108 Reykjavík

Efni: Athugasemdir Húnavatnshrepps varðandi tillögu að friðlýsingu svæðis í verndarflokki rammaáætlunar, byggt á umfjöllun um virkjunarkostina Gýgjarfossvirkjun og Bláfellsvirkjun

Vísað er til erindis Umhverfisstofnunar, dags. 10. september 2018, með yfirskriftina; *Tillaga að friðlýsingu svæðis í verndarflokki rammaáætlunar til kynningar – Suðurland – Vatnasvið Jökulfalls og Hvítár í Árnassýslu: 32 Gýgjarfossvirkjun og 33 Bláfellsvirkjun.*

Sveitarstjórn Húnavatnshrepps tók erindið til umfjöllunar á fundi, dags. 19. september 2018, erindinu frestað. Sveitarstjórn tók erindið til umfjöllunar að nýju á fundi sínum þann 24. október 2018.

Afmörkun svæðis tillögu um friðlýsingu

Sveitarstjórn Húnavatnshrepps gerir alvarlegar athugasemdir við afmörkun svæðis, sbr. Kort af svæðinu sem var fylgiskjal með erindi Umhverfisstofnunar. Húnavatnshreppur telur að möguleg friðlýsing geti einungis varðað svæði sunnan vatnaskila á Kili og þar með utan sveitarfélagamarka Húnavatnshrepps.

Samkvæmt erindi Umhverfisstofnunar er ætlunin að friðlýsa vatnasvæði Jökulfalls og Hvítár í Árnassýslu, á grunni flokkunar virkjunarkostanna Gýgjarfossvirkjunar og Bláfellsvirkjunar samkvæmt þingsályktun um vernd og orkunýtingu landsvæða frá 14. júlí 2013.

- Sveitarfélagamörk Húnavatnshrepps og Bláskógabyggðar koma fram á áðurnefndu korti, auk helstu vatnsfalla á svæðinu. Sveitarfélagamörkin voru sett niður með samkomulagi 1985 og byggja á því að mörkin liggja á vatnaskilum. Fyrirliggjandi tillaga nær bersýnilega yfir svæði á Kili, þar sem vatn fellur til norðurs og yfir Blöndukvíslar úr Blöndujökli og kvíslar úr Kvíslajökli.
- Það stenst enga skoðun að vatnasvið Blöndu sé felld undir friðlýsingu. Vatnasvið árinna stendur undir rekstri Blönduvirkjunar og getur friðlýsing þess svæðis skapað ófyrirséð lagaleg álitæfni og haft áhrif á rekstur virkjunarinnar til framtíðar.
- Afmörkun vatnasviða Hvítár og Jökulfalls koma fram við umfjöllun við 2. áfanga rammaáætlunar, vegna Gýgjarfossvirkjunar og Bláfellsvirkjunar. Vatnsvið virkjananna var ekki skilgreint inn fyrir sveitarfélagamörk Húnavatnshrepps samkvæmt þeirri vinnu. Vísað er til upplýsingablaða um virkjunarkosti 2. áfanga rammaáætlunar; <http://www.ramma.is/media/beinleid/Minnisblad-32-Gygjarfossvirkjun.pdf> og <http://www.ramma.is/media/beinleid/Minnisblad-33-Blafellsvirkjun.pdf>.

- Afmörkun svæðis samkvæmt fyrirbyggjandi tillögu hefur ekki verið unnin í samræmi við þær forsendur sem kynntar eru í bréfi Umhverfisstofnunar, þ.e. bls. 48-49 í lokaskýrslu verkefnisstjórnar 2. áfanga rammaáætlunar. Friðlýsingin nær út fyrir vatnasvið Jökulfalls og Hvítár.
- Tillaga að friðlýsingu hvílir á þingsályktun frá 2013, gögnum að baki ályktuninni og 6. gr. laga um verndar og orkunýtingaráætlun, varðandi stöðu vatnasviða virkjana sem þá voru felldar í verndarflokk. Dreigið er í efa að möguleg friðlýsing á þessum grunni, á svæðum innan Húnavatnshrepps, geti talist lögmæt enda liggja sveitarfélagamörk á vatnaskilum.

Sjónarmið varðandi heimild til friðlýsingar.

Húnavatnshreppur vill jafnframt vekja athygli á lögum um verndar- og orkunýtingaráætlun og stöðu mögulegrar friðlýsingar á grunni þingsályktunar frá 14. júlí 2013. Samkvæmt 1. mgr. 3. gr. laganna gildir að leggja skuli fram áætlun um vernd og orkunýtingu landsvæða fram eigi sjaldnar en á fjögurra ára fresti. Þingsályktunin frá 14. júlí 2013, sem tillaga um friðlýsingu hvílir á, ætti því að hafa fengið endurskoðun. Fyrirhugaður gildistími tillögunnar og Alþingi hlýtur að hafa byggt á samkvæmt 3. gr. laganna, er því liðinn.

Í athugasemd við 6. gr. laga um verndar- og orkunýtingaráætlun, þar sem fram kemur hvernig standa eigi að friðlýsingu, er þýðingu lagaskyldu um endurskoðun áætlunarinnar vegna þess skýrð. Þar segir m.a.:

Er við það miðað að ákvörðun um friðlýsingu, sbr. 58. eða 59. gr. náttúruverndarlaga, liggi almennt fyrir áður en endurskoðuð verndar- og nýtingaráætlun er lögð fyrir Alþingi að fjórum árum liðnum.

Bent er á að ný þingsályktunartillaga var lögð fram á Alþingi 2016 og 2017 (145. og 146. löggjafarþing), eftir að vinnu við 3. áfanga rammaáætlunar var lokið. Tillagan var ekki afgreidd af Alþingi. Umfjöllun um málið á Alþingi hefur m.a. varðað það hvort taka eigi eldri virkjunarkosti sem flokkaðir voru samkvæmt 2. áfanga rammaáætlunar til endurmats eftir aðferðafræði 3. áfanga. Starfsreglur verkefnisstjórnar verndar- og orkunýtingaráætlunar gera jafnframt ráð fyrir þeim möguleika, sbr. reglur nr. 515/2015, birtar í B-deild stjórnartíðinda.

Gjalda verður varhug við að byggja ákvarðanatöku sem getur haft varanleg áhrif um nýtingu landsvæða til framtíðar á þingsályktun, sem lög gera ráð fyrir að eigi að vera búíð að endurskoða.

Virðingarfyllt,


Einar Kristján Jónsson
sveitarstjóri Húnavatnshrepps



Afrit sent.

Hrunamannahrepp, Bláskógabyggð og Skeiða- og Gnúpverjahrepp.